

Joibe 21
S. Luîs Gonzaga

Vinars 22
S. Nicete di Aquilee

Sabide 23
S. Lanfranc

Domenie 24
Nativitât di S. Zuan B.

Lunis 25
S. Vielm abât

Martars 26
S. Vigjili vescul

Miercus 27
S. Ridolf vescul

Il timp
Al è rivât il cjaldon estîf.

Il proverbi
Al vâl plui un vicin vicin
che no un fradi lontan.

Lis voris dal mès
Tignît simpri di voli i parasîts, i cais
e lis jerbatis: Jugn al è un mès
impuartant pe ben riessude dal ort.



Il soreli
Ai 21 al jeve aes 5.16
e al va a mont aes 21.02.



La lune
Ai 28 Lune plene.

lis GNOVIS

ALBANE DI PREPOT ConSORZI PE DIFESA DAI CJISTIEI



Il Consorzi pe protezion dai cjistiei storics dal Friûl e di Triest, sabide ai 23 di Jugn, al celebre la XLIX assemblee. Socis e invidâts si

daran dongje li dal cjistiel di Albane di Prepot, te Sclovanie. Intant dai lavôrs, l'ingegner Leonello Gabrici, che al è ancje proprietari dal sît fuarteçât, e l'architet Katharina v. Stietenron a presentaran il restaur dal cjistiel. In zornade di vuê, president dal Consorzi al è l'architet Roberto Raccanello.

IL CJADALAN DE CLAPE «2PLA» Fotografiis di Musis



Par festezâ il prin an di vite, la clape «Paularo Photo Lab Association» e à invidât li dal Istitût comprensîf dal Cjanâl dal Incjaroi i fotografis Gabriele Bano, Alessio Dorigo, Stefano Sbueltz, Giuseppe Ulizio e Marco Manzini par fâ cun l'ôr un zîr dal mont mediant dai audiovisîfs.

La clape paularine e à fat il so esordi cul progjet «Muse's», che i siei promotôrs a sperin di podê slargjâ ancje in chei altris comuns cjaragnei, ritratant i viei e i paisans plui carateristics di ogni Comunitât.

«RADIO ONDE FURLANE» Ambassadôrs turistics

Ai 16 di Jugn, Radio Onde Furlane e à inviât un program di promoziun turistiche batiât «Ambassadors Fvg. In viaç cu lis vôs dal teritori». Conduôr de transmission e sarà Francesca Battistutta, cul jutori tecnic di Andrea Tomasin. La iniziative e je prudelade di «PromoTurismo Fvg». Il program al sarà trasmetût la sabide a 11 e lunis a 17, par dîs voltis, incrosant lis sôs informaziuns cun chês dal lûc www.fvglivexperience.it. «Ambassadors Fvg» al pues jessi scoltât in modulazion di frequenze, in «streaming» e par «Facebook».

Ai 17 di Jugn, la Comunitât e à distropât lis butiliis dal cuarantesim



La zoventût di Sarvâs e fole il «Vin dal Perdon»; il «Parc Civic» di Sarvâs di Cjarlins.



Il vin coletîf di Sarvâs

LA COMUNITÂ di Sarvâs, domenie ai 17 di Jugn, si è dade dongje tal so «Parc Civic» par cerçâ il «Vin dal Perdon» e l'«Asêt dal Perdon».

A son agns che la Amministrazion dai Bens civics de Frazion di Cjarlins, cul jutori de «Associazione ricreative culturâl Sarvâs», e organize la folade comunitarie des uis che duçj i paisans a ufrissin, vendemantlis di bieles pueste tai siei vignâi, ma lis butiliis distropadis cheste volte a àn un savôr speciâl. Il vin dal 2017, di fat, al è chel vendemât tal an dal XL de ricostituzion de Amministrazion che e gjestis lis proprietâts coletivis de Comunitât di Sarvâs. Par presentâ cheste realtât vivarose o vin stât a intervistâ il president Gisberto Mian, che al guide l'Ent civic dal 2011, cuant che al à cjapât sù la ereditât lassade di Gino Codarin, di Rinaldo Comuzzi, di Dino Zulian e di Carlo Bottò.

Sâr president, ca di cualchi an, il Vin e l'Asêt dal Perdon a varan un savôr ancjemò plui speciâl. Cemût mai?

«Lafê si, a saran pardabon speciâi parcè che, in plui di folâ lis uis che i paisans a volaran ufrî a la Comunitât, in curt o tacarî a folâ ancje lis uis vendemadis tal nestri vignâl comunitari. Tun cjamp dongje dal «Par Civic», o vin implantât 100 vîts di Cabernet «Volos», che nus permetaran di preparâ vin e asêt avonde pe distribuzion fra duçj i paisans, ma ancje par indalegrâ dutis lis fiestis de Comunitât».

Tal vin che o vês cerçât domenie, si sintial il savôr dal XL de Amministrazion frazionâl?

«Il nestri «Vin dal Perdon» al è simpri bon, juste apont pal significât comunitari, sociâl e culturâl che al pant. Al è un prodot de nestre tiere e dal nestri lavôr; al è peât a la fieste plui grande dal nestri paîs; al rapresente la colaborazion fra dutis lis nestris associazions e lis nestris istituzions e nus dis trop vitâl che e je la Amministrazion che e gjestis i nestris Bens coletîfs».

Rivial a fânus un struc di cheste storie lungje 40 agns?

«Dal 1977 incà, o vin vût 9 Comitâts di gestion, cun 21

aministradôrs impegnâts cençe padin e sore nuie par difindî i dirits e i Bens de nestre Comunitât, ma ancje par incressi e par valorizâ il patrimoni e par rindilu simpri plui util, daûr des necessitâts dal paîs».

Ce Bens aial Sarvâs?

«Cuant che si è partîts, o vevin 53 etars di campagnis. Dal 1992, o vin comprât altris 9 mil metris cuadrâts, daprûf dal paîs, par realizâ il «Par Civic». Mediant di dôs donaziuns, o vin podût rivâ a 20 mil metris. Si che, si à rivât a fâ sù un prefabricât e altris servizis permanents e a slargjâ la zone dulà che o plantin i arbui dai fruts che a nassin a Sarvâs. Dal 2015 e dal 2016, o vin sistemât la cuistion dal Ambulatori, diventant parons de Scuele, dulà che o vin realizât il «Centri Civic». Par screâlu, o vin inmanêat la convigne «I Beni di Uso Civico: Comuni e comunitâ ripensano insieme lo sviluppo del territorio», intant de «Fieste regionâl de proprietât colotive» di an passât».

Te Basse, sêso la uniche proprietât colotive?

«In plui de nestre, o vin une

altre Amministrazion frazionâl ative, a Vilegnove di San Zorç di Noiâr. Po e je la gjestion dai Boscs e des campagnis coletivis di Muçane, dulà che il Comun al à inviât il progjet «Pan e farine di Muçane». Tal cás di Maran e di Grau, e reste une vore imberdeade la cuistion dal ûs e de proprietât de Lagune. Altris proprietâts coletivis, ricognossudis par leç ma che no son gjestidîs diretamentri des Comunitâts, a son chês des Frazions di Bicinins, di Cjarlins, di Çarvignan, di Corderoip, di Monfalcon, di Palme, di Pucinie, di Porpêt, di Prissinins, di Teôr e di Vildivar».

Cu la vuestre esperience, ce soluzion proponaressiso par valorizâ chest grant patrimoni?

«Cjalant ce che o vin rivât a fâ a Sarvâs, o sin persuadûts che dome un rapuart coret fra lis Amministrazions che a àn il compit di rapresentâ lis Comunitâts e di gjestî i lôr Bens e lis Amministrazions comunâls al garantîs il snait necessari par pensâ e par progjetâ un svilup sostignibil e partecipât dal teritori».

PAR CURE DI **MARIO ZILI**

PERAULIS in DISMENTIE

• par cure di **MARIO MARTINIS** •

TIBIÂ

v. = calcare, capestare; trebbiare facendo camminare sopra i buoi in giro ed in largo
(dal latino medievale *tiplâre*, dal latino *tribulâre* «trebbiare», secondo alcuni dal lucano *trebba* «trebbia»)
Al è il moment di tibiâ il formento.
È il momento di trebbiare il frumento.

TIGNINCE

s.f. = resistenza, consistenza, tenacia, fermezza
(voce dotta dal latino *retinentia*, da *retinere*, *tenere*)
Par fâ un sac i vûl robe che e vedi tignince.
Per fare un sacco ci vuole qualcosa che abbia consistenza.

TIVIT

agg. = tiepido
(participio del verbo *tividî* «intiepidire»)
Al è un mès vonde tivit par stâ di fûr.
È un mese abbastanza tiepido per stare all'aperto.

TICÂSI

v. = beccarsi, bisticciarsi
(*toc- di origine onomatopeica)
Chê altre sere si son ticâts a tresiet e cumò no si saludin plui.
L'altra sera si sono bisticciati al gioco di tresette e ora non si salutano.

TIREBORIS

s.m. = attizzatoio, tirabraccia (che fa perdere tempo)
(parola composta da *tirâ* «tirare», dal latino medievale *tirâre*, verosimilmente dal greco *têirō* «sfregare, consumo sfregando», e da *bore* «braccia accesa, tizzo»)
Dongje dal fogolâr al è simpri un tireboris.
Vicino al focolare c'è sempre un attizzatoio.

TOCJ

s.m. = intingolo, salsa
(voce onomatopeica derivata dal suono prodotto dall'ingere, con influsso di *poçj* «fango, intriso da molta acqua», ha influito probabilmente sul veneto)
O ai mangjât un poleç tal for cuntun tocj cetant gustôs.
Ho mangiato un pollo al forno con un intingolo assai gustoso.